

## Obrazovanje

Za sada u Opštini funkcioniraju javne ustanove osnovnog i srednjeg obrazovanja i odgoja, te jedna predškolska ustanova.

JU dječiji vrtić "Liljan"; Ključ

Osnivač dječijeg vrtića je Skupština USK. Na području Opštine u oblasti predškolskog odgoja ovo je jedina Ustanova. Vrtić ima prostorne kapacitete u Sanici i Ključu, no trenutno je u funkciji samo kapacitet u gradu. Opremljenost Ustanove je na zadovoljavajućem nivou.

Trenutno 65 djece koristi usluge Ustanove čiji je kapacitet 85 djece.

Kadrovska struktura uposlenih je odgovarajuća. Rad je usklađen sa zakonskom regulativom kantonalnog nivoa, a u tijeku je procedura definiranja ove oblasti zakonima na državnoj razini. Ustanova ima dvojako financiranje: iz budžeta Kantona i iz vlastitih sredstava.

### Osnovno obrazovanje

Na području opštine Ključ, osnovno obrazovanje obezbjeđuju dvije osnovne škole.

JU Osnovna škola Ključ u Ključu sa svojih 5 područnih škola pruža obrazovanje za 1.105 učenika. JU Osnovna škola Velagići u Velagićima ima 406 učenika u matičnoj i 4 područne škole, te JU Osnovna škola Sanica sa područnim školama Biljani i D. Sanica sa ukupno 302 učenika. Škole počinju princip multietničnosti. S aspekta učenika, škole su višenacionalne, a s aspekta uposlenika – škola u Ključu je jednonacionalna dok je škola u Velagićima višenacionalna.

U osnovnom obrazovanju se primjenjuju dva plana i programa: jedan za osmogodišnje i jedan za devetogodišnje osnovno obrazovanje. Postojeći Plan i program za osmogodišnje obrazovanje je revidiran i dopunjen zajedničkom jezgrom iz nacionalne grupe predmeta, te su izbačeni sadržaji koji bi mogli biti uvredljivi za bilo koji narod.

Nastavni planovi i programi su osuvremenjeni kroz reformu u oblasti obrazovanja (uvođenje devetogodišnjeg osnovnog obrazovanja). Škola u Ključu raspolaže sa dvije biblioteke i fondom od 15.000 knjiga, dok škola u Velagićima u svojoj biblioteci ima fond od 3.000 knjiga. Popuna radnih mjesta za tehničko i pomoćno osoblje u školi je sukladno aktima škole i zakonima iz ove oblasti. Nastavni kadar u Ključu čini 77,05 % stručno osposobljenih za posao koji obavljaju dok su 22,95 % nastavnici druge struke. Učionice su opremljene računarima za potrebe nastavnika, kao i kabineti za informatiku. Po nastavnom planu i programu obrađuju se engleski i njemački jezik, tako da djeca po završetku osnovnog obrazovanja stiču osnovna znanja iz informatike i dva svjetska jezika.

Niša muzička škola Bihać odjeljenje Ključ

U ovoj osnovnoj školi nastava se izvodi u JU Centar za kulturu i obrazovanje i finansira se sredstvima osnivača i djelimično učestvovanjem roditelja u participaciji troškova školovanja djece. Nastavni plan i program u ovoj školi provodi se za 44 učenika raspoređenih od I do VI razreda na odsjeku klavira i harmonike. Nastavu izvodi stručni kadar od dva nastavnika muzičke kulture.

### Srednje obrazovanje

Na području opštine Ključ egzistira jedna škola za srednje obrazovanje pod nazivom JU Mješovita srednja škola Ključ. Osnivač ove Ustanove je Skupština USK. Škola broji 550 učenika raspoređenih u 23 odjeljenja. Iako postoji određena zakonska regulativa, u srednjem obrazovanju, ona nije adekvatna. U nastavnom procesu se primjenjuje kantonalni Plan i program. Usuglašeno je i usvojeno zajedničko jezgro za nacionalnu grupu predmeta. U školi se počinje princip multietničnosti. S aspekta učenika, škola je višenacionalna dok je s aspekta uposlenika jednonacionalna. Škola obrazuje učenike III i IV stupnja i to u sljedećim stručnim zvanjima i zanimanjima: opšta gimnazija, ekonomska, mašinsko-tehnička škola, elektro-tehnička škola, mašinska stručna škola (automehanicar, bravar, metalostrugar, instalater centralnog grijanja, plinski i vodoinstalater), elektrotehnička stručna škola, drvoprerađivačka stručna škola, trgovinska stručna škola i tekstilna stručna škola.

U školskoj 2007/2008. a po identifikovanim potrebama, uvodi se novo obrazovanje učenika za stručno zvanje frizera.